



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Ivris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

CLXXIII. Differentia 44. Secundùm Canones prælatus Ecclesiasticus potest
procuratorem constituere in causâ ecclesiæ suæ etiam ante litem
contestatam.

[urn:nbn:de:hbz:466:1-61864](https://nbn-resolving.org/urn:nbn:de:hbz:466:1-61864)

Secundum Canones praelatus Ecclesiasticus potest procuratorem constituere in causa ecclesie sue etiam ante litem contestatam. *c. petitio. De procur.* Iure civili autem non potest, nisi post litem contestationem, ad instar tutoris, vel curatoris *l. Neque tutores. C. eod. c. Edoceri. De rescript. Io. Bapt. à S. Blas. 69.*

I. Bonorum Ecclesie temporalium Prælatos non esse Dominos, sed curatores, & dispensatores cum alijs notat Innocent. in *c. Cum super. n. 3. & 4. De caus. poss. & propr.* Sunt enim patrimonium Christi *c. Cum secundum. De praben. & dignit.* propter Christum, & eius obsequium ac gloriam à fidelibus donata. Ided non sunt propriae, sed communes Ecclesie facultates. *Barb. in Præmiss. c. Ea enim 19. Q. 2.* Quisquis igitur omnibus, quæ habuit, dimisit, aut venditis fit rei sue contemptor, cui præpositus fuerit factus Ecclesie, omnium, quæ habet Ecclesia efficitur dispensator. *6. Expedis. 12. Q. 1.* In concil. Antiocheno quoque definitum est, ut episcopus habeat ecclesiasticarum rerum potestatem ad dispensandum erga omnes, qui indigent, cum summa reverentia, & timore Dei: & participet ipse, quibus indiget *c. Episcopus. eod.* Adde *Nayarr* monitum in *Tract. De redit. Eccles. Q. 1. num. 11.* sufficit episcopis, & alijs prælati curam gregis habentibus administratio rerum Ecclesie, licet non habeant ullum earum rerum dominium. Nam neq; alii administratores civitatum habent dominium bonorum communium: sicut tutores

quoque & curatores sufficienter providebunt utilitati, & necessitati pupillorum, ac minorum. Hac doctrinâ ceu fundamentum nititur præfens Differentia, quamvis sacri Canonones non recipiant consequentiam inde sumptam à Legistis, quod Prælati Ecclesie non nisi post litem contestationem possit procuratorem constituere. Pro faciliori intellectu *cap. Petitio. c. tatis* episcopus attendendus est. Episcopus Muenensis in Livoniam profecturus constituit. M. & I. Canonicos Muenenses Vicarios suos, & procuratores generales pro ipso episcopatu: quibus negotia Ecclesie agentibus, & defendentibus oppositum est, non contineri in instrumento, quod constituit sine Synodici, & actores, seu procuratores generales. Qua re ad Innocent. III. pontificem delata rescriptum est, ex episcopi intentione colligi, potestatem ipsarum agendi, & respondendi concessam esse *Vbi Glossa in V. actores.* notat, secundum Canones omnes administratores nomine procuratoris intelligi. *c. Sacerdotes 1. Q. 3.* Est enim nomen generale. Hinc ergo colligunt à Prælati causa Ecclesie sue constitui procuratorem posse, quando cunq; viderit expe-

dire, ita, ut non oporteat, attendere illi, an litis contestatio facta, an futura sit: nec regula tutoribus, aut curatoribus præscriptæ Ecclesiæ perfides ligent.

II. Contrarium ex *cit. l. Neq. tutores* aliqui deducere conantur, certa an incerta ratione ambiguum. *Textus est.* Neq; tutores, neq; curatores ex sua persona in rem pupilli, vel adolescentis procuratorem facere possunt, sed actorem constituere debent. *Item ipsi etiam tutores, & curatores post litis contestationem à se*

factam ad exemplum procuratorum, qui litem contestati iunt, dare procuratores non prohibentur. Non ergo, *Glossa* dicit procuratorem leges. permittunt tutoribus, & curatoribus, sed syndicum five actorem: & horum exemplo similiter Ecclesiarum prælati pro Ecclesia non possunt, nisi post litis contestationem procuratorem constituere. *Lancelo: l. 2. 3. insit. 2. ff. Canis l. 2. ff. 3. Sylvest. V. Procurator Roderic. Tom. III. regul. Q. 41. artic. 1. Vallens. l. 1. ff. 39.*

CLXXIV.

DIFFERENTIA 45.

Secundùm Canones mulier esse procuratrix potest. *c. Cum dilecta. De confirm. utili, vel inutili.* secundùm leges non potest. *l. Cum prætor. ff. De iudic. Galvanus 57.*

I. Procurandi munus non tantùm in rebus, sed iudicijs quoq; mulieribus concedi ex *c. cit. Cum dilecta* manifestum est. Nam *Alexander III.* eum renovasset privilegia Ecclesiæ Gardevensis, quia prædictum monasterium ad jus & proprietatem Apostol. Sedis pertinebat, ne jus illud indefensum maneret, Abbatissam procuratricem ipsius constituit. Vbi *Glossa.* Sic ergo femina potest esse procuratrix, sic & arbitra. *c. dilecti de arb. similit. & Iudex c. Cum devotissimam 12 Q. 2. Glossa consentiens Silu. V. Femina. n. 4. Femina, ait,* non potest arbitra nec iudicis, aut magistratus officium gerere, nisi in casibus, de quibus *Glo. §. I. 15. Q. 3.* puta, in spiritualibus, quia in temporalibus iudicare potest, ubi est consuetudo *c. Dilecti. De arb. nec postulare, aut procurare, nisi in causa propria & suorum, ut notatur in l. Femina ff. De*

Reg. iur. & §. Tria. Q. 7.

II. Contraria legum sanctio multis in locis comperitur, à civilibus muneribus removendas mulieres esse, non quia iudicio careant, ut furiosi, & amentes, sed quia id quod iudicii habent, propter inconstantiam sufficere magnis curis non videtur. Sed huic decreto derogatum consuetudine multis in provinciis liquet præcipuè in regno Gallia; ubi Regina jurisdictionem ordinariam habere creditur, & de comitissa Matilda. idem *Accursus* affirmat. Audio tamen dicentes, extraordinarium id esse, nec communem sensum extinguere. Est omnino in mulieribus sexus fragilitas quæ illas à muneribus excludit *Arnob. l. 7. con. gent.* Nec ulla femina ambidextra fit, si *Hippocrati* credimus in *Aphor. Sect. 7. c. 44.* & *Cicero* testatur *Or. pro Placco* non licere mulieribus sine tutorum, aut procuratorum

A a 3

ratorum